



Arkivsaksnummer: 2022/10197-3

Saksbehandlar: Kristine Sørli

Dato: 08.02.2023

Utval	Utvalssak	Møtedato
Nasjonalparkstyret for Reinheimen	9/2023	15.02.2023

Forvaltningsplan for Reinheimen nasjonalpark og tilhørende landskapsvernområde og naturreservat - oppstart og prosjektplan

Innstilling frå forvaltar

Nasjonalparkstyret for Reinheimen godkjenner utkast til prosjektplan for arbeidet med revidering av forvaltningsplan for Reinheimen og tilhørende verneområde.

Prosjektplan og brev med formelt varsel om oppstart av planarbeidet skal sendast til partar i verneområdet for uttale.

I varsel om oppstart til partane er det aktuelt å be om innspill til:

- aktuelle problemstillinger knyttet til forvaltningen av verneområdene, besøksforvaltning, informasjon, skjøtsel og tiltak.
- revisjon av besøksstrategi
- oversikten over aktører
- kunnskapsgrunnlaget
- organiseringen av planarbeidet
- tidsplanen

--- slutt på innstilling ---

Saksprotokoll i Nasjonalparkstyret for Reinheimen - 15.02.2023

Behandling

Samrøystes som innstillinga.

Vedtak

Innstilling frå forvaltar

Nasjonalparkstyret for Reinheimen godkjenner utkast til prosjektplan for arbeidet med revidering av forvaltningsplan for Reinheimen og tilhøyrande verneområde.

Prosjektplan og brev med formelt varsel om oppstart av planarbeidet skal sendast til partar i verneområdet for uttale.

I varsel om oppstart til partane er det aktuelt å be om innspill til:

- aktuelle problemstillinger knyttet til forvaltningen av verneområdene, besøksforvaltning, informasjon, skjøtsel og tiltak.
- revisjon av besøksstrategi
- oversikten over aktører
- kunnskapsgrunnlaget
- organiseringen av planarbeidet
- tidsplanen

--- slutt på innstilling ---

Dokument i saka

Vedtak om igangsetting – saksprotokoll styresak 49/2022, 08.11.2022

Vedlegg:

- 1 Prosjektplan - forslag - ver 0.1

Saksopplysningar

Nasjonalparkstyret for Reinheimen har i møte 08.11.22, styresak 49/2022 gjort vedtak om å sette i gang arbeidet med rullering av Forvaltningsplan for Reinheimen.

I nasjonalparkstyret sitt vedtak, tredje avsnitt står det:

«For å sikre god framdrift skal sekretariatet førebu ei sak til nasjonalparkstyret med forslag til prosjektplan for forvaltningsplanarbeidet. Vedtatt prosjektplan skal være utgangspunkt for melding om oppstart av planarbeidet, som skal sendast til kommunar, fylkeskommunar, grunneigarar, andre rettighetshavarar, og aktuelle brukargrupper.

Styret ber også om en vurdering av behovet for ein mindre revisjon av besøksstrategien samtidig i forvaltningsplanarbeidet.»

Et forslag til prosjektplan blir her lagt fram for nasjonalparkstyret til behandling.

Heimelsgrunnlag

Delegering

Vedtektene for nasjonalparkstyret, pkt. 8.1:

8.1 Forvaltningsplan

Styret skal utarbeide/revidere forvaltningsplan for verneområda. Oppstart av planarbeidet bør skje i dialog med Miljødirektoratet. Forvaltningsplanen skal utarbeidast innafor ramma av naturmangfoldlova og verneforskriftene. Forvaltningsplanen skal konkretisere korleis ein kan nå føremålet med vernet, og skal innehalde ein fleirårig tiltaksplan og ein besøksstrategi. Utkast til forvaltningsplan skal sendast til direktoratet for fagleg gjennomgang før høyring. Forvaltningsplanen skal godkjennast av Miljødirektoratet.

Veileder M-481 | 2016 Opprettelse av verneområder etter naturmangfoldloven

«Klima- og miljødepartementet har gitt utfyllende bestemmelser til saksbehandlingsreglene i eget rundskriv (Rundskriv T2/15 Saksbehandlingsregler ved områdevern etter naturmangfoldloven). Rundskrivet gjelder ved opprettelse av nye verneområder. Så langt det passer gjelder rundskrivet også ved endring eller revisjon av eksisterende verneforskrifter, og ved utarbeidelse av forvaltningsplaner.» (Vår understreking)

Rundskriv T2/15

- Endring av verneforskrifter
- Dersom det oppstår behov for endring av vedtatte verneforskrifter, vil endringsbehovet avgjøre omfanget av saksbehandlingen. Større endringer i verneforskriftene, eller større grenseendringer, krever ny kongelig resolusjon.

Naturmangfoldlova

§§ 35 og 36

Utkast til forvaltningsplan skal leggjast frem samtidig med vernevedtaket.

§ 41. om saksbehandling

§ 42 om kunngjøring av forslag

§ 43 om høring.

Vurdering

Arbeidet med forvaltningsplanen vil bli ein omfattande og krevjande prosess, da det vil røre ved mange ulike tema innafor eit stort geografisk område, som vil involvere mange interessantar, rettighetshavarar, grunneigarar, og offentlege myndigheiter. Det ble informert om revisjon av forvaltningsplan på møte for rådgivande utval og administrativt kontaktutval, 07.11.22 på Norsk fjellsenter i Lom. Nasjonalparkstyret for Reinheimen gjorde vedtak om å sette i gang revisjonsarbeidet i styremøte 08.11.22.

I trå med miljødirektoratet sin veileder for å lage forvaltningsplan skal forvaltningsmyndigheita lage ein prosjektplan for å sikre god framdrift i arbeidet, skissere viktige problemstillingar, og kva for formelle rammer og retningslinjer som må leggjast til grunn. Vedlagte prosjektplan er ein plan for korleis arbeidet er tenkt lagt opp.

Miljødirektoratet har tildelt kr. 150 000,- til fullstendig etterundersøking, dataanalyse og rapport for ny brukarundersøkinga for Reinheimen som ble gjennomført i 2022. Det er og tildelt kr. 50 000,- til reise- og møteaktivitet mm for planarbeidet i 2023.

Arbeidet føreset stor grad av involvering frå kommunane, grunneigarar, lag og organisasjonar. Det er derfor lagt opp til fleire møter, både fysisk og digitalt, i alle kommunane med areal i verneområda.

Sekretariatet si vurdering er at prosjektplanen vil danne eit godt grunnlag for planarbeidet, og vil innstille på at prosjektplanen blir sendt på høyring til partane knytt til verneområda i Reinheimen.

Med høyringa er det naturleg at ein ber om innspel til tema som skal tas opp til vurdering i planarbeidet. Her bør ein be om innspel til aktuelle problemstillingar knytt til forvaltninga av verneområdene, besøksforvaltning, informasjon, skjøtsel og tiltak. Det er og aktuelt med ein gjennomgang av aktørane, kunnskapsgrunnlaget og organisering av arbeidet, inkludert tidsplan.